



Awo cu 2 florin mas, bo por gana e **MEGA PLUS**

*Afl.

770.000,-

*Afl. 580.000,- + Afl. 190.000,-
extra

Benta ta sera 6:30 pm y sorteo ta hunga 6:45 pm



A crea un concepto nobo pa cu Carnaval 2022

SMAC a confirma cu no ta bay tin Carnaval na Januari/Februari 2021

*Lo tin un "Carnival Warm Up Event" den e luna di juli

ORANJESTAD (AAN): Jason Brown, President SMAC a confirma dialuna mainta cu ta berdad cu NO lo bay tin Carnaval na Januari/februari 2021. Mirando e situacion actual di COVID-19 y cu Carnaval ta aglomeracion di hende y teniendo na cuenta e situacion financiero actual, no ta na su lugar pa organisa Carnaval na Januari/februari 2021.

SMAC conhuntamente cu Gruponan Uni, Stichting Musica y Raad van Toezicht a tuma e decision aki. SMAC hunto cu Raad van Toezicht a sinta na mesa cu Minister di Finanzas, Economia y Cultura/Gobierno pa sinti kico nan posicion ta pa cu Carnaval 2021.

Gobierno tampoco ta mira Carnaval factibel na Januari/februari 2021 y mester

tene cuenta cu hopi factor entre otro esnan ya menciona aki riba.

Na 2021 SMAC, Gruponan Uni y Stichting Musica lo organisa un asina yama "Carnival

Warm Up Event" den e luna di juli.

Door di organisa algun actividad y paradanan ta yuda e gruponan di Carnaval pa crea un fondo chikito.

SMAC hunto cu Gruponan Uni y Stichting Musica a tuma e decision

pa crea un concepto nobo pa cu Carnaval 2022. E tres organisacion nan aki

ta deliberando con pa crea e concepto nobo pa Carnaval sin ta cerca di e temporada di Pasco, Dande, Aña Nobo y celebracion di Tres Rey.

november y december. E pensamiento ta bay pa hala Carnaval pa un temporada mas stabil manera juli, augustus of september.

Halando Carnaval for di e temporada ariba menciona ta duna tur hende mas espacio pa celebra e dianan di fiesta den tur tranquilidad, nos lo no ta mara mas na e fecha di Diaranson di Shinishi y ta duna mas tempo pa prepara pa nos Carnaval.

Di e manera aki pues Carnaval lo conoce un etapa nobo y un temporada

nobo. Por menciona tambe cu un di e beneficiarios di organisa Carnaval na juli, augustus of september lo ta cu esaki ta cay p'afo di e temporada di "high season turistico", dunando e temporada nobo aki un boost positivo pa e economia, cual nos isla mester mas di dje na e momento aki.

SMAC, Gruponan Uni y Stichting Musica ta invita pueblo di Aruba pa participa den e decision aki door di manda bo idea nan pa nos via mail na: infosmac-aruba@gmail.com.

Asina cu tin mas informacion relaciona cu e temporada nobo di Carnaval na aña 2022, lo trece tur informacion pa tur esnan pendiente di nos Dushi Carnaval.



Hopi biaha ya ta cuminsa cu preparacion nan pa Carnaval caba den luna di

Joran van der Sloot tambe contagia cu Covid-19 den prison Peruano

ORANJESTAD (AAN): E asesino hulandes Joran van der Sloot, kende a wordo sentencia na 28 aña di prison pa e morto di e dama hoben peruano Stephany Flores, a pasa masha den masha hopi escandalo durante cu e ta encarcela na Peru desde 2010.

Tin indicacion cu mientras e ta den prison, el a sigui comete fechoria, y hasta a haci estafa cu un cadena di Casino online, y tambe a wordo acusa di a laba placa. Tur esey siendo cu e ta encarcela den Challapalca Prison pafo di Lima.

E labamento di placa ey a socede durante 2014, cu ta un aña prome cu el a casa cu Leidy Figueroa, mientras e ta den prison.

Prome cu esey, e tabata e sospechoso principal den

e desaparicion di Natalee Holloway, cu no a wordo mira mas desde 30 di mei 2005.

Ora cu a kere cu lo no tende nada mas di e preso aki na Peru, ata RTL Nieuws di Hulanda a raporta cu Joran van der Sloot a wordo contagia cu Covid-19 mientras e ta den prison na Peru.

E informacion aki a leak aparentemente for di famia di Van der Sloot mes. Parce cu Joran a haci un yamada telefonico suplicando nan pa yudanza. El a bisa cu el a sali positivo pa Covid-19 y e tin tur sintoma.

A sali na cla tambe, cu famia Van der Sloot a bay pidi sosten cerca Embahada Hulandes staciona na Lima (Peru), pasobra den prison mes aparentemente no tin yudanza medico na



su disposicion.

Prensa Hulandes a busca confirmacion cerca Ministerio di Relaciones Exteriores na Den Haag, y nan a confirma cu berdad un peticion pa yudanza a drenta na e Embahada na Peru.

Indicacion ta muestra cu famia di Joran a dicidi bay

pidi yudanza, como cu e estado di salud di e preso ta uno masha grave, y no ta hayando yudanza di Docter. Y manera a keda demostra rond mundo, hasta hendenan cu tin e mihor sistema inmunologico mes a keda grave y hasta fayece, incluyendo atletanan.

Mientras tanto, Peru mes ta pasando den un crisis grandi pa cu e pandemia di Coronavirus nobo aki.

Te cu Dialuna 27 di Juli 2020, cu ta dia #134 di e estado di emergencia, Peru a registra un total di 384.797 caso confirma. Di esaki, 18.229 persona a fayece debi na Covid-19, segun Ministerio di Salubridad Publico a revela. Un total di 13.304 pashent cu Coronavirus ta hospitaliza.

Riba Diadomingo so, como 4.913 caso positivo

nobo a wordo registra. Riba Diadomingo, lamentablemente 199 morto a wordo registra tambe.

Mientras tanto, Peru su sistema di salubridad publico ta totalmente den caos. Hasta Gobierno di Merca a caba di haci donacion di dos capsula di isolacion, y tambe dos Ambulance pa reforza e evacuacionnan di agentenan policial Peruano cu a wordo diagnostica cu Covid-19.

Pa mitiga e brote na Peru, nan a introduci Dialuna un ley unda lo duna boet na chauffeurnan di Bus cu ta laga pasaheronan subi nan vehiculo sin cu nan tin un mascara di cara bisti, y face shield.

Pues no ta e pasahero ta haya boet, sino e chauffeur lo haya uno di 430 Soles, cu ta igual na 220 Florin.